




Broj: 05-50-1-55/14
Sarajevo, 6.3.2014. godine

PARLAMENTARNA SKUPŠTINA BiH

- Zastupnički dom -

SARAJEVO



PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 85. sjednici održanoj 6.3.2014. godine, utvrdilo je Odgovor na zastupničko pitanje koje je postavio Mladen Ivanković-Lijanović, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-55/14
Sarajevo, 6.3.2014. godine

Mladen Ivanković-Lijanović, poslanik u Predstavničkom domu Parlamentarne skupštine Bosne i Hercegovine, na 61. sjednici Predstavničkog doma održanoj 30. decembra 2013. godine, postavio je pitanje predsjedavajućem Vijeća ministara Bosne i Hercegovine koje glasi:

„Kad će biti uspostavljen platni sustav u poljoprivredi i ruralnom razvoju za Bosnu i Hercegovinu?“

Na postavljano pitanje, Vijeće ministara Bosne i Hercegovine je na 85. sjednici održanoj 06. 03. 2014. godine utvrdilo sljedeći

ODGOVOR

Platni sistem u poljoprivredi i ruralnom razvoju u Bosni i Hercegovini je uspostavljen u skladu sa ustavnim ustrojstvom i dodijeljenim nadležnostima. Poticaji u poljoprivredi i ruralnom razvoju koji se odnose na mjere direktne podrške proizvodnjama (proizvođačima), investicionim ulaganjima, ili tržišnim intervencijama, odnosno izdvajanja za strukturne mjere i mjere ruralnog razvoja, u nadležnosti su entitetskih, kantonalnih ministarstava poljoprivrede/privrede i Odjela za poljoprivredu Brčko distrikta BiH. Ovo obuhvata sve oblike direktnih plaćanja poljoprivrednim proizvođačima (plaćanja na bazi outputa – premije, direktna plaćanja po grlu ili hektaru, plaćanja za varijabilne inpute – dizel i vještačka đubriva), zatim investiciona ulaganja svih vrsta, određeni vidovi transfera namijenjenih stabilizaciji tržišta, kao što su plaćanja za otkupe, deficitarna plaćanja, itd. Plaćanja za opšte usluge su takođe dio budžetskih transfera koji se provode sa nivoa entiteta, kantona i Brčko distrikta BiH, a to su plaćanja koja se odnose na podršku poljoprivredi u cjelini, i kao takva nisu namijenjena direktno proizvođačima (standardi, kontrole, veterina, istraživanje, savjetodavstvo i sl).

U Federaciji Bosne i Hercegovine poticaji u poljoprivredi i ruralnom razvoju implementiraju se kroz Sektor za poljoprivredna plaćanja koji je u sastavu Ministarstva poljoprivrede, vodoprivrede i šumarstva FBiH. Ministarstvo poljoprivrede, vodoprivrede i šumarstva FBiH na osnovu Srednjoročne strategije razvoja poljoprivrednog sektora FBiH, Zakona o poljoprivredi FBiH (Sl.novine FBiH br.52/09 i 4/10), Zakona o novčanim podrškama u poljoprivredi i ruralnom razvoju FBiH (Sl.novine FBiH br.42/10) te na osnovu godišnjih pravilnika o uslovima i načinu ostvarenja novčanih potpora, koristeći informacioni sistem, vrši cjelokupan proces implementacije poticajnih sredstava poljoprivrednicima u FBiH (zaprimanje zahtjeva, obrada zahtjeva i isplata poljoprivrednicima).

U Republici Srpskoj poticaji u poljoprivredi i ruralnom razvoju implementiraju se kroz Agenciju za agrarna plaćanja RS koja je u sastavu Ministarstva poljoprivrede, šumarstva i vodoprivrede RS. Ministarstvo poljoprivrede, šumarstva i vodoprivrede RS (odnosno pomenuta Agencija) na osnovu Strategije poljoprivrede Republike Srpske, Zakona o poljoprivredi RS (Sl. glasnik RS 70/06, 20/07, 86/07, 71/09), Zakona o obezbjeđenju i usmjeravanju novčanih sredstava u poljoprivredi i ruralnom razvoju Republike Srpske (Sl. glasnik RS 43/02, 106/09) te na osnovu Pravilnika o uslovima i načinu ostvarivanja novčanih podsticaja za razvoj poljoprivrede i sela (donosi se svake godine) i Plana raspodjele sredstava za podršku poljoprivredi (takođe se donosi svake godine), koristeći informacioni sistem, vrši cjelokupan proces implementacije poticajnih sredstava poljoprivrednicima u Republici Srpskoj (zaprimanje zahtjeva, obrada zahtjeva i isplata poljoprivrednicima).

U Brčko distriktu BiH poticaji u poljoprivredi i ruralnom razvoju implementiraju se kroz Odjel za poljoprivredu šumarstvo i vodoprivredu Brčko distrikta. Odjel za poljoprivredu, šumarstvo i vodoprivredu BD na osnovu Zakona o podsticaju u poljoprivrednoj proizvodnji Brčko distrikta („Sl. glasnik Brčko distrikta BiH“, brojevi: 11/06, 19/07 i 15/10), Pravilnika o načinu i uslovima za podsticaj u poljoprivrednoj proizvodnji (donosi se svake godine), te u skladu sa visinom namijenjenih sredstava iz budžeta Brčko distrikta, koristeći informacioni sistem, vrši cjelokupan proces implementacije poticajnih sredstava poljoprivrednicima u Brčko distriktu BiH (zaprimanje zahtjeva, obrada zahtjeva i isplata poljoprivrednicima).